



REPUBLIKA E SHQIPËRISË  
KËSHILLI I LARTË I PROKURORISË

VENDIM  
Nr. 37, datë 03.03.2025

PËR

**“TRANSFERIM TË PËRKOHSHËM ME PËLQIM”**

Këshilli i Lartë i Prokurorisë, me pjesëmarrjen e:

|                          |                     |
|--------------------------|---------------------|
| 1. Zonjës Mirela BOGDANI | Kryetar             |
| 2. Zotit Erind GERMENJI  | Zv/kryetar          |
| 3. Zotit Sokol STOJANI   | Anëtar              |
| 4. Zotit Zeqir HODA      | Anëtar (në mungesë) |
| 5. Zonjës Arta MANDRO    | Anëtar              |
| 6. Zonjës Ledina RIZA    | Anëtar              |
| 7. Zotit Moisi DUDA      | Anëtar              |
| 8. Zotit Vatë STAKA      | Anëtar              |
| 9. Zotit Olger EMINAJ    | Anëtar              |
| 10. Zotit Erind MERKURI  | Anëtar              |
| 11. Zoti Erion FEJZULLA  | Anëtar (në mungesë) |

në mbledhjen e datës 03.03.2025, konform procedurës së përcaktuar në nenet 159-161, 164 dhe vijues të ligjit nr. 115/2016, “Për organet e qeverisjes së sistemit të drejtësisë”, i ndryshuar, nenet 18 e vijues të Rregullores “Për organizimin dhe funksionimin e brendshëm të Këshillit të Lartë të prokurorisë”, shqyrtoi çështjen me objekt:

***“Transferim të përkohshëm me pëlqim”***

**KËSHILLI I LARTË I PROKURORISË:**

Pasi mori në shqyrtim, relacionin shoqërues nr. 259 prot., datë 12.02.2025, të Komisionit të Zhvillimit të Karrierës, dëgjoji relatorin zotin Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

## V Ë R E N:

1. Këshilli i Lartë i Prokurorisë (në vijim Këshilli), në bazë të nenit 149 të Kushtetutës, është institucioni që garanton pavarësinë, llogaridhënien, disiplinën, statusin dhe karrierën e prokurorëve të Republikës së Shqipërisë.
2. Me urdhrin nr. 19, datë 30.01.2024, "Për strukturën organike të prokurorive të shkallës së parë dhe prokurorisë së Apelit të Juridiksionit të Përgjithshëm" të ndryshuar, Prokurori i Përgjithshëm ka përcaktuar numrin prej 90 prokurorësh në zyrën e prokurorisë Tiranë. Ndërkohë me Urdhrin nr. 61, datë 13.05.2024, Për një ndryshim të Urdhërit nr. 19, datë 30.01.2024 "Për strukturën organike të prokurorive të shkallës së parë dhe prokurorisë së Apelit të Juridiksionit të Përgjithshëm", Prokurori i Përgjithshëm ka shkurtuar një vend në organikën e Prokurorisë pranë Gjykatës së Shkallës së Parë të Juridiksionit të Përgjithshëm Tiranë, me numër total 89 prokurorë në këtë zyrë prokurorie.
3. Aktualisht, në këtë zyrë ka gjithsej 39 vakanca, 21 prej tyre të përkohshme, vendim pezullimi nga KPK, për shkak të komandimeve në KLP, PP dhe ILD, si dhe 18 vakanca të përhershme.
4. Referuar sa më lart si dhe më qëllim plotësimin e vakancave në fjalë, drejtuesi i zyrës së prokurorisë Tiranë, ka parashtruar kërkesë pranë Këshillit për plotësim të organikës, për shkak se aktualisht prokurorët në këtë zyrë kanë ngarkesë të konsiderueshme në numër çështjesh për secilin prej tyre.
5. Kërkesa e lartpërmendur, u shqyrtua nga Komisioni i Zhvillimit të Karrierës pranë Këshillit, në raport me parashikimet në legjislacionin në fuqi, si dhe ngarkesën në numër çështjesh të zyrave të tjera të prokurorive të juridiksionit të përgjithshëm.
6. Ligjit nr. 96/2016 "Për Statusin e Gjyqtarëve dhe Prokurorëve në Republikën e Shqipërisë", i ndryshuar, në nënin 42 ka parashikuar parimet e transferimit, ku në pikën 2 parashikohet: "Transferimi bëhet në një pozicion të lirë të përhershëm ose të përkohshëm. Pozicioni është i lirë në mënyrë të përhershme vetëm nëse nuk ka magjistratë me të drejtën për t'u kthyer në atë pozicion. Pozicioni është përkohësisht i lirë kur magjistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion", ku nga ana e Komisionit dhe në vijim Këshilli kanë aplikuar këto parime, lidhur me procedurën e transferimit të përkohshëm me pëlqim.
7. Nga ana e Këshillit është marrë në analizë parashikimi ligjor i nenit 46 "Transferimi i përkohshëm", të ligjit nr. 96/2016 "Për Statusin e Gjyqtarëve dhe Prokurorëve në Republikën e Shqipërisë", i ndryshuar, i cili sanksionon kriteret dhe rregullat procedurale lidhur me këtë mekanizëm të plotësimit të vakancave.

Konkretisht pika 1 e këtij neni parashikon:

1. Albjona Papajani, prokuror në zyrën e prokurorisë Berat;
2. Arbër Delilaj, prokuror në zyrën e prokurorisë Korçë;
3. Arisa Shkrepi, prokuror në zyrën e prokurorisë Korçë;
4. Blerta Hamza, prokuror në zyrën e prokurorisë Shkodër;
5. Briselda Zhuzhi, prokuror në zyrën e prokurorisë Korçë;
6. Denisa Perdja, prokuror në zyrën e prokurorisë Lezhë;
7. Drini Zeqo, prokuror në zyrën e prokurorisë Dibër;
8. Ema Lazaj, prokuror në zyrën e prokurorisë Lezhë;
9. Enea Babameto, prokuror në zyrën e prokurorisë Korçë;
10. Enkeleda Hoxha, prokuror në zyrën e prokurorisë Kukës;
11. Enkelejda Meçka, prokuror në zyrën e prokurorisë Korçë;
12. Erida Visoçi prokuror në zyrën e prokurorisë Vlorë;
13. Esmeranda Basho, prokuror në zyrën e prokurorisë Sarandë;
14. Françesk Ganaj, prokuror në zyrën e prokurorisë Lezhë;
15. Griselda Haxhiaj, prokuror në zyrën e prokurorisë Kukës.
16. Irena Sufaj, prokuror në zyrën e prokurorisë Lezhë;
17. Iva Harka, prokuror në zyrën e prokurorisë Lezhë;
18. Klerta Çonga, prokuror në zyrën e prokurorisë Korçë;
19. Lediana Shkurti, prokuror në zyrën e prokurorisë Korçë;
20. Matilda Fetahu, prokuror në zyrën e prokurorisë Lezhë;
21. Nertila Bregu, prokuror në zyrën e prokurorisë Lezhë;
22. Odeta Todorushi, prokuror në zyrën e prokurorisë Lezhë;
23. Olta Hadushaj, prokuror në zyrën e prokurorisë Lezhë;
24. Renato Tosku, prokuror në zyrën e prokurorisë Berat;
25. Vasjana Postoli, prokuror në zyrën e prokurorisë Korçë;
26. Vilma Kapaj, prokuror në zyrën e prokurorisë Kukës;
27. Vitjuna Mata, prokuror në zyrën e prokurorisë Vlorë;
28. Xhoana Mehmetaj, prokuror në zyrën e prokurorisë Dibër.

14. Nga lista e mësipërme e prokurorëve që kanë shprehur interesin për transferim, Këshilli ka shqyrtuar propozimin e Relatorit lidhur me kandidaturat e prokurorëve: Françesk Ganaj dhe Matilda Fetahu nga zyra e prokurorisë Lezhë, Griselda Haxhiaj nga zyra e prokurorisë Kukës dhe Ledjana Shkurti nga zyra e prokurorisë Korçë.

- Zonja Ledjana Shkurti është emëruar prokuror dhe është caktuar në detyrë në Prokurorinë pranë Gjykatës së Shkallës së Parë Korçë me vendimin e KLP-së nr.213, datë 27.07.2022;
- Zonja Matilda Fetahu është transferuar në detyrë në Prokurorinë pranë Gjykatës së Shkallës së Parë Lezhë me vendimin e KLP-së nr. 82, datë 24.04.2023.
- Zonja Griselda Haxhiaj është emëruar prokuror dhe është caktuar në detyrë në Prokurorinë pranë Gjykatës së Shkallës së Parë Kukës me vendimin e KLP-së nr. 218, datë 27.07.2022;
- Zoti Françesk Ganaj është emëruar prokuror dhe është caktuar në detyrë në Prokurorinë pranë Gjykatës së Shkallës së Parë Lezhë me vendimin e KLP-së nr. 582, datë 17.07.2019,

15. Në vijim, si dhe në përmbushje të dispozitës së lartpërmendur që shpreh detyrimin për marrjen e mendimit të drejtuesve gjatë zhvillimit të kësaj procedure, Relatori i çështjes i'u drejtua drejtuesve të zyrave pranë të cilave janë të emëruar prokurorët që kanë shprehur pëlqimin për transferim, për një periudhë 1 vjeçare.
16. Nëpërmjet postës elektronike dt. 13.01.2025(zyra e prokurorisë Korçë) dhe 14.01.2025 (zyra e prokurorisë Lezhë), drejtuesit e zyrave respektive kanë shprehur dakordësinë e tyre për transferimin e përkohshëm të prokurorëve në fjalë në zyrën e prokurorisë Tiranë. Drejtuesi i zyrës së prokurorisë Kukës është shprehur se ka konflikt interesi për të dhënë mendim lidhur me sa kërkohej, pasi ka shprehur dhe vetë pëlqimin për këtë procedurë.
17. Pas diskutimeve në komision, anëtarja e Komisionit zonja Ledina Riza nuk ka dhënë dakordësinë lidhur me rrethanat dhe faktet e paraqitura në relacion nga ana e relatorit, pasi procedura e ndjekur prej tij në rastin konkret nuk ka mbajtur në konsideratë parashikimet ligjore dhe proceduriale që ndiqen në këto raste. Me shumicë votash i'u propozua Këshillit që për kandidatët e sipërcituar të aplikohet transferimi i përkohshëm me pëlqim në bazë të nenit 46 pika 1 të Ligjit për Statusin, dhe nenit 10 të rregullores "Mbi kriteret dhe procedurën e transferimit të përkohshëm të prokurorit", për një periudhë një vjeçare.
18. Lidhur me aplikimin për transferim me pëlqim të znj. Enkeleda Hoxha, Komisioni për shkak të mendimit ndryshe të secilit anëtar, la në vlerësim të Këshillit shqyrtimin e kërkesës në fjalë.

**Për sa më sipër Këshilli i Lartë i Prokurorisë, ka vlerësuar se:**

19. Në seancën plenare të Këshillit datë 13.02.2025, u morr në shqyrtim çështja dhe në vijim të diskutimeve nga ana e anëtarëve u dakordësua që Relatori, të plotësojë me të dhëna shtesë relacionet e paraqitura për transferimin me pëlqim në zyrat e prokurorisë Tiranë dhe Elbasan, konkretisht sa i takon përditësimit të të dhënave për ngarkesën në punë të të gjitha zyrave të Prokurorive të Shkallës së Parë të Juridiksionit të Përgjithshëm nga Prokurori i Përgjithshëm, vjetërsisë të gjithë prokurorëve të cilët kanë shprehur pëlqimin për t'u transferuar, si dhe mendimin e drejtuesve respektivë të zyrave të prokurorive ku ushtrojnë aktualisht detyrën.
20. Sa më sipër, u përditësuan të dhënat për ngarkesën në punë të të gjitha zyrave të Prokurorive të Shkallës së Parë të Juridiksionit të Përgjithshëm, siaps informacionit të përcjellë nga Prokuroria e Përgjithshme me shkresën nr. 270/1 prot, datë 19.02.2025. Volumi i punës për vitin 2024 është si më poshtë vijon:

| Prokuroria | Mosfilluar | Mbartur | Regjistruar | Rifilluar   |               | Gjithsej trajtuar çështje | Prokurorë në detyrë | Mesatarja për Prokuror |
|------------|------------|---------|-------------|-------------|---------------|---------------------------|---------------------|------------------------|
|            |            |         |             | Të pushuara | Të pezulluara |                           |                     |                        |
|            |            |         |             |             |               |                           |                     |                        |

|                    |             |             |             |          |            |              |           |            |
|--------------------|-------------|-------------|-------------|----------|------------|--------------|-----------|------------|
| <i>Lezhë</i>       | <b>404</b>  | <b>686</b>  | <b>1207</b> | <b>0</b> | <b>437</b> | <b>2330</b>  | <b>11</b> | <b>212</b> |
| <i>Dibër</i>       | <b>332</b>  | <b>582</b>  | <b>575</b>  | <b>0</b> | <b>1</b>   | <b>1158</b>  | <b>7</b>  | <b>223</b> |
| <i>Kukës</i>       | <b>248</b>  | <b>320</b>  | <b>618</b>  | <b>0</b> | <b>253</b> | <b>1191</b>  | <b>6</b>  | <b>199</b> |
| <i>Vlorë</i>       | <b>496</b>  | <b>1824</b> | <b>1493</b> | <b>0</b> | <b>0</b>   | <b>3317</b>  | <b>15</b> | <b>221</b> |
| <i>Shkodër</i>     | <b>426</b>  | <b>723</b>  | <b>1831</b> | <b>3</b> | <b>1</b>   | <b>2578</b>  | <b>11</b> | <b>234</b> |
| <i>Gjirokastrë</i> | <b>387</b>  | <b>856</b>  | <b>761</b>  | <b>0</b> | <b>0</b>   | <b>1617</b>  | <b>7</b>  | <b>231</b> |
| <i>Korçë</i>       | <b>902</b>  | <b>2031</b> | <b>1740</b> | <b>0</b> | <b>20</b>  | <b>3791</b>  | <b>15</b> | <b>253</b> |
| <i>Durrës</i>      | <b>2038</b> | <b>2235</b> | <b>2583</b> | <b>0</b> | <b>23</b>  | <b>4841</b>  | <b>18</b> | <b>269</b> |
| <i>Fier</i>        | <b>323</b>  | <b>2412</b> | <b>2005</b> | <b>0</b> | <b>14</b>  | <b>4431</b>  | <b>16</b> | <b>277</b> |
| <i>Berat</i>       | <b>348</b>  | <b>1214</b> | <b>741</b>  | <b>0</b> | <b>0</b>   | <b>1955</b>  | <b>7</b>  | <b>279</b> |
| <i>Tiranë</i>      | <b>6352</b> | <b>6622</b> | <b>8839</b> | <b>8</b> | <b>86</b>  | <b>15555</b> | <b>49</b> | <b>318</b> |
| <i>Sarandë</i>     | <b>530</b>  | <b>1199</b> | <b>965</b>  | <b>0</b> | <b>0</b>   | <b>2164</b>  | <b>7</b>  | <b>309</b> |
| <i>Elbasan</i>     | <b>805</b>  | <b>1676</b> | <b>1563</b> | <b>0</b> | <b>14</b>  | <b>3253</b>  | <b>9</b>  | <b>361</b> |

21. Pas përditësimit të të dhënave të parashtuara në tabelën si më lart, u hodhën në votim propozimet sipas Relacionit të paraqitur, si dhe propozimi i zotit Hoda që nga zyra e prokurorisë Dibër të përzgjidhen 2 prokurorë, për transferimin me pëlqim; nga zyrat e prokurorisë Kukës, Lezhë, Vlorë dhe Shkodër të përzgjidhet respektivisht nga një prokuror për transferim me pëlqim, për përzgjedhjen e zyrave të prokurorive nga të cilat do të përzgjidhen kandidaturat për transferimin me pëlqim<sup>2</sup>.

22. Lidhur me vjetërsinë e prokurorëve që kanë shprehur pëlqimin për transferim, Relatori plotësoi të dhënat e nevojshme dhe ia parashtroi Këshillit.

<sup>2</sup> Votimi u krye në mënyrë të veçantë për secilën zyrë prokurorie.

*Për zyrën e prokurorisë Berat* votuan "pro" propozimit për transferimin e një prokurori me pëlqim, anëtarët: Bogdani, Stojani, Duda, Eminaj dhe Merkuri. Votuan "kundër" anëtarët: Riza, Hoda, Staka, Fejzulla, Mandro dhe Germejni. Propozimi u rrëzua.

*Për zyrën e prokurorisë Dibër* votuan "pro" propozimit për transferimin e një prokurori me pëlqim, antarët: Bogdani, Stojani, Duda, Eminaj, Merkuri, Riza dhe Mandro. Votuan "kundër" anëtarët: Hoda, Staka, Fejzulla dhe Germejni.

*Për zyrën e prokurorisë Kukës* votuan unanimisht të gjithë antarët për propozimin për transferimin e një prokurori me pëlqim.

*Për zyrën e prokurorisë Lezhë* votuan "pro" propozimit për transferimin e dy prokurorëve me pëlqim, antarët: Bogdani, Stojani, Duda, Eminaj, Merkuri, Germejni dhe Mandro. Votuan "kundër" anëtarët: Riza, Hoda, Staka dhe Fejzulla.

*Për zyrën e prokurorisë Korçë* votuan "pro" propozimit për transferimin e një prokurori me pëlqim, antarët: Bogdani, Stojani, Duda, Eminaj, Merkuri, Germejni dhe Mandro. Votuan "kundër" anëtarët: Hoda, Riza, Staka dhe Fejzulla.

*Për zyrën e prokurorisë Vlorë* votuan "pro" propozimit për transferimin e një prokurori me pëlqim antarët: Bogdani dhe Merkuri. Votuan "kundër" anëtarët: Bogdani, Stojani, Riza, Duda, Eminaj, Mandro, Fejzulla dhe Germejni. Në mungesë të zotit Hoda. Propozimi u rrëzua.

*Për zyrën e prokurorisë Shkodër* votuan "pro" propozimit për transferimin e një prokurori me pëlqim, antarët: Merkuri, Fejzulla, Germejni dhe Staka. Votuan "kundër" anëtarët: Bogdani, Stojani, Riza, Duda, Eminaj dhe Mandro. Në mungesë të zotit Hoda. Propozimi u rrëzua.



23. Të dhënat e parashtruara nga relatori i çështjes u konsideruan të plota, lidhur me vjetërsinë në detyrë të prokurorëve që kanë shprehur pëlqimin për transferim, si kriter i shprehur në nenin 5, pika 5, të Rregullores “Mbi kriteret dhe procedurën e transferimit të përkohshëm të prokurorit”, ku parashikohet: “Në rast se ka më shumë se një prokuror që jep pëlqimin për transferim të përkohshëm në një prokurori konkrete, Këshilli vendos të përzgjedhë kandidatin duke marrë në konsideratë përvojën profesionale të prokurorëve dhe çështjet konkrete mbi të cilat është duke punuar”.
24. Gjithashtu, u përditësuan mendimet e drejtuesve të zyrave të prokurorive lidhur me ngarkesën e zyrës së prokurorisë në tërësi dhe të prokurorit në veçanti (lidhur me çështjet e mbartura për vitin 2025 dhe ngarkesën në punë), numrin total të prokurorëve që ushtrojnë funksionet në prokurori, seksionin ku bën pjesë prokurori, pasojat që mund të ketë në ngarkesën e zyrës së prokurorisë transferimi i mundshëm, si dhe një propozim mbi periudhën maksimale të transferimit të përkohshëm.
25. Këshilli vlerësoi të plota dhe konform nenit 46 “Transferimi i përkohshëm”, pika 1, të ligjit nr. 96/2016 “Për Statusin e Gjyqtarëve dhe Prokurorëve në Republikën e Shqipërisë”, i ndryshuar, të dhënat e përfuara nga mendimet e drejtuesve të zyrave të prokurorive lidhur me ngarkesën e zyrës së prokurorisë në tërësi dhe të prokurorit në veçanti, sa i përket numrit total të prokurorëve që ushtrojnë funksionet në zyrat respektive të prokurorive, seksionin ku bëjnë pjesë, pasojat që mund të ketë në ngarkesën e zyrës së prokurorisë transferimi i mundshëm, si dhe një propozim mbi periudhën maksimale të transferimit të përkohshëm.
26. Pas miratimit të zyrave të prokurorive dhe miratimit të numrit të prokurorëve për secilën zyrë prokurorie që do të transferohen nëpërmjet procedurës së transferimit të përkohshëm me pëlqim, u vijua në votimin nominal për secilin prokuror të propozuar.
27. Në lidhje me masën e kompensimit mujor për magjistratin që transferohet përkohësisht, neni 15 pika 2 e ligjit nr. 96/2016 i ndryshuar, përcakton se:
- [...] Magjistrati në skemën e delegimit, magjistrati i transferuar përkohësisht ose magjistrati i caktuar përkohësisht, kur delegohet, transferohet përkohësisht ose caktohet përkohësisht për një periudhë kohore më të gjatë se periudha e parashikuar në pikën 1 të këtij neni, përfiton një kompensim mujor në masën e jo më shumë se 80 për qind të pagës referuese bazë. Ky kompensim mbulon çdo shpenzim për qëndrimin dhe transportin e magjistratit në gjykatën ose prokurorinë ku magjistrati është deleguar, transferuar përkohësisht ose caktuar përkohësisht. [...]*
28. Duke qenë se aktualisht, Këshilli me vendimin nr. 386, datë 30.11.2023, ka miratuar Rregulloren për “Caktimin e procedurës dhe masës së trajtimit financiar të prokurorit për shërbimin në skemën e delegimit, për transferimin e përkohshëm, për caktimin e përkohshëm dhe caktimin për një çështje të veçantë”, pagesa e prokurorëve që propozohen për t’u transferuar, do të bëhet sipas përcaktimeve të kësaj Rregulloreje.

29. Për sa më sipër, si dhe në vijim të propozimit të kryetarit të Këshillit sa i përket transferimit të përkohshëm me pëlqim të znj. Enkeleda Hoxha, prokurore në Prokurorinë pranë Gjykatës së Shkallës së Parë të Juridiksionit të Përgjithshëm Kukës, Këshilli, duke mbajtur në konsideratë mos cenimin e funksionalitetin e zyrës së prokurorisë Kukës, përshtatshmërinë në zyrën në të cilën prokurori do të transferohet dhe kërkesat e ligjit për plotësimin e kushteve formale për aplikimin e mjetit ligjor “transferim i përkohshëm me pëlqim”<sup>3</sup>, veçanërisht kriterin e vjetërsisë më të madhe midis prokurorëve të zyrës së prokurorisë Kukës që kanë shprehur pëlqimin për transferim, duke votuar “pro” anëtarët: znj. Bogdani, z. Germenji, z. Merkuri, z. Eminaj, znj. Riza, z. Staka dhe znj. Mandro, votuan “kundër” anëtarët: z. Stojani dhe z. Duda, në mungesë të z. Hoda dhe z. Fejzulla., pranoi propozimin në fjalë.  
Lidhur me afatin e transferimit u dakordësua në unanimitet që ky afat të fillojë nga data 17.03.2025, dhe të jetë një vjeçar.

### **PËR KËTO ARSYE:**

Bazuar në nenet 149 pika 1 dhe 149/a pika 1 germa “a”, të Kushtetutës së Republikës së Shqipërisë, nenin 46 pika 1, të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit nr.115/2016 “Për organet e qeverisjes së sistemit të drejtësisë” i ndryshuar, nenit 10 të Rregullores “Mbi kriteret dhe procedurën e transferimit të përkohshëm të prokurorit”, Këshilli i Lartë i Prokurorisë,

### **V E N D O S I:**

1. Zonja Enkeleda Hoxha, prokuror në Prokurorinë pranë Gjykatës së Shkallës së Parë të Juridiksionit të Përgjithshëm Kukës, transferohet përkohësisht me pëlqimin e saj, në Prokurorinë pranë Gjykatës së Shkallës së Parë të Juridiksionit të Përgjithshëm Tiranë.
2. Zonja Enkeleda Hoxha do të ushtrojë detyrën si prokuror në Prokurorinë pranë Gjykatës së Shkallës së Parë të Juridiksionit të Përgjithshëm Tiranë, duke filluar nga data 17.03.2025 deri 16.03.2026.
3. Të ndërpritet caktimi i përkohshëm si drejtuese e Prokurorisë pranë Gjykatës së Shkallës së Parë të Juridiksionit të Përgjithshëm Kukës, caktuar me vendimin nr. 273, datë 23.12.2024 të Këshillit të Lartë të Prokurorisë.
4. Të njoftohen për këtë vendim zonja Enkeleda Hoxha, Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Tiranë dhe Prokuroria pranë Gjykatës së Shkallës së Parë të Juridiksionit të Përgjithshëm Kukës.
5. Gjatë periudhës së transferimit zonja Enkeleda Hoxha do të përfitojë shtesë mbi pagën referuese bazë, sipas përcaktimeve të vendimit nr. 386, datë 30.11.2023, për miratimin e Rregullores për “Caktimin e procedurës dhe masës së trajtimit financiar të prokurorit për

<sup>3</sup> Lidhur me propozimin e Relatorit mbi transferimin e përkohshëm me pëlqim të zonjës Griselda Haxhiaj, prokurore në Prokurorinë pranë Gjykatës së Shkallës së Parë të Juridiksionit të Përgjithshëm Kukës, në zyrën e prokurorisë Tiranë, votuan “pro” anëtarët: Stojani dhe Duda. Votuan “kundër” Bogdani, Germenji, Merkuri, Eminaj, Riza, Staka dhe Mandro. Në mungesë Hoda dhe Fejzulla. Propozimi u rrëzua.



shërbimin në skemën e delegimit, për transferimin e përkohshëm, për caktimin e përkohshëm dhe caktimin për një çështje të veçantë”.

6. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 03.03.2025.



**KRYETAR**  
**Mirela Bogdani**

**ANËTAR**  
**Sokol Stojani**  
**kundër**

**ANËTAR**  
**Moisi Duda**  
**Kundër**

**ANËTAR**  
**Erind Merkuri**

**ZV/KRYETAR**  
**Erind Germenji**

**ANËTAR**  
**Arta Mandro**

**ANËTAR**  
**Vatë Staka**

**ANËTAR**  
**Ledina Riza**

**ANËTAR**  
**Olger Eminaj**